





N<sup>o</sup>. 12.

Conpel 673

τ. τ.

ARTICLES ACCORDEZ  
sous le bon plaisir du Roy,  
entre Messieurs de Brissac,  
Mareschal de France, & de  
Villeroy, Conseilliers d'Estat  
de sa Maiesté, ses Deputez  
d'une part.

ET MON-SEIGNEVR  
le Prince de Condé, premier  
Prince du Sang, d'autre: Afin  
de parvenir à une Conference  
pour la pacification des troubles  
de ce Royaume.

Case

F

39

.326

1616 fgr

THE NEWBERRY  
LIBRARY



## ARTICLES ACCORDEZ

*sous le bon plaisir du Roy, entre Messieurs de Brissac, Marechal de France, & de Villeroy Conseillers d'Estat de Sa Majesté, ses Deputez d'une part. Et Mon-Seigneur le Prince de Condé, premier Prince du Sang, d'autre : Afin de parvenir à une Conference pour la pacification des troubles de ce Royaume.*

**P**Remierement, le Roy se contentera de traiter en ladite conference avec mondit Seigneur le Prince, & autres Princes, Ducs, Pairs, Officiers de la Couronne & tous autres; tant Catholiques, que de la Religion Reformée, qui l'ont assisté & se sont ioints avec



4

luy, y compris meſmes les deputez de ceux de la Religion aſſemblés à Nyſmes.

Ladite conference ſe fera en la ville de Loudun par Commiſſaires deputez par ſa Maieſté, pour traiter avec mondit Seigneur le Prince, & les ſeigneurs ſuſnommez, laquelle commencera le dixieſme iour de Feburier prochain.

Et afin que rien ne puiſſe troubler vn ſi bon propos, a eſté trouué à propos, ſous le bon plaisir de ſa Maieſté, de faire vne ſuſpenſion d'armes & de toutes actions militaires par tout le Royaume & autres pays de l'obeiſſance de ſa Maieſté. Comme pareillement dans les ſouuerainetez de Sedan & de Raucourt, à commencer, pour le regard des Prouinces de Poictou, Xaintonge, Angoumois, Bretagne, Anjou, Touraine & Berry, du iour que les preſens articles auront eſté ratifiez par ſa Maieſté. De la volonté de laquelle ledit ſeigneur Prince ſera eſclarcy dans le trentieſme du preſent mois. Et pour le regard des autres Prouinces eſloignées, ladite ſuſpenſion d'armes commencera du iour qu'elle ſera publiée dans leſdites

Prouinces, par les gouuerneurs, ou lieutenans generaux d'icelles, pour finir par tout au premier iour du mois de Mars aussi prochain. Dequoy ledit seigneur Prince aduertira en mesme temps ceux qui commandent dans les places & lieux de ceux qui se sont joints & vnies avec luy.

Et pour faire que ladite suspension d'armes soit promptement executée & obseruée par toutes les Prouinces du Royaume, sa Majesté sera suppliée tres-humblement d'y enuoyer en diligence ses commandemens necessaires pour la faire publier. Et si attendant ladite publication aucunes personnes estoient arrestez prisonniers apres ledit trentiesme iour du present mois, sont dés a present declarez de mauuaise prise, & seront relaschez à la premiere demande qui en sera faicte de part & d'autre.

Durant ladite suspension ne sera fait de part & d'autre aucune fortification és villes & places prises depuis le premier iour de Septembre dernier, ny aucune leuee de gens de guerre dans le Royaume, & pays de l'obeissance de sa Maieité.

Et pour empescher que la proximité des armées n'apporte aucune alteration de part & d'autre; a esté accordé, soubz le bon plaisir de sa Majesté: qu'en attendant ladite conference, nuls des troupes de sadite Majesté, ne passerōt, ny demeureront, deçà la riuere du Clain: Comme aussi durant ladite conference les forces de sa Majesté se retireront au de là de la riuere de Vienne, sans approcher de huit lieues de ladite ville de Loudun. Mais quand aux garnisons qui pourroient estre necessaires pour la seureté des villes & places au deçà des riuieres de Vienne & du Clain, lesquelles pourroient donner quelque ialousie, il sera dressé vn Estat avec Monseigneur le Prince, ou autre qu'il commettra, du nombre d'hommes qui seront mis en icelles.

Côme au semblable aucun des troupes de l'armée de Monseigneur le Prince n'approchera la ville de Poitiers durant ladite suspension, de six lieues, ny logeront au delà de la riuere de Toué, ny és Prouinces d'Anjou & de Bretagne, au delà de ladite riuere de Toué. Et quand aux garnisons qui pourroient estre neces-



7

saïres pour la seureté des places de Mondit-Seigneur le Prince, lesquelles semblablement pourroient donner ialousie, en sera dressé estat avec ceux qu'il plaira à sa Majesté commettre.

Et pour le regard de la Prouince de Xaintonge, n'y logeront aucunes troupes; depuis Taillebourg remontant sur la riuere de Charente.

Quand aux autres Prouinces, sa Majesté & Mondit-Seigneur le Prince depu-  
teront quelques vns pour reigler les troupes qui y seront, & conuenir de leur forme de viure.

Mondit-Seigneur le Prince pourra durant ladite conference & pour la seureté d'icelle, loger cent hommes de guerre en la ville de Lislebouchard, & iusques à huiët cent hommes dans celle de Loudun: Ensemble quatre cent cheuaux és enuïrons de ladite ville de Loudun, és lieux & endroits qui seront cy apres nommez avec sa Majesté ou ceux qu'il luy plaira ordonner.

Les troupes desdites armées qui se voudront retirer par commandement ou congé des Generaux d'icelles, ou desdits

Seigneurs Princes, Ducs, Pairs, Officiers  
de la Couronne, Gouverneurs des Pro-  
vinces, & Lieutenant Generaux du Roy  
le pourrôt faire en toute seureté, aduer-  
tissant les Gouverneurs des villes & pla-  
ces par lesquelles ils passeront: Et n'y  
pourront neantmoins passer que vingt à  
vingt à la fois.

*Fait & signé à Fontenay le Comte  
le 20. Janvier. 1616.*



